

# PWYLLGOR PENODIADAU

## Cofnodion y cyfarfod a gynhaliwyd ar 12 Hydref 2021

|                           |                                                                                                                                                                                                                     |
|---------------------------|---------------------------------------------------------------------------------------------------------------------------------------------------------------------------------------------------------------------|
| <b>YN BRESENNOL:</b>      | Y Cynghorydd Ieuan Williams (Cadeirydd)<br>Y Cynghorydd Bob Parry OBE FRAgS (Is-Gadeirydd)<br><br>Y Cynghorwyr R Dew, T Ll Hughes MBE, K P Hughes, Vaughan Hughes,<br>Llinos Medi Huws, A M Jones a R Meirion Jones |
| <b>WRTH LAW:</b>          | Prif Weithredwr,<br>Cyfarwyddwr Swyddogaeth (Busnes y Cyngor)/Swyddog Monitro,<br>Pennaeth Proffesiwn (Adnoddau Dynol) a Thrawsnewid,<br>Rheolwr Adnoddau Dynol (CW),<br>Swyddog Pwyllgor (MEH).                    |
| <b>YMDDIHEURIADAU:</b>    | Y Cynghorydd Glyn Haynes                                                                                                                                                                                            |
| <b>HEFYD YN BRESENNOL</b> | Dim                                                                                                                                                                                                                 |

---

### 1 DATGANIAD O DDIDDORDEB

Ni chafwyd unrhyw ddatganiadau o ddiddordeb.

### 2 COFNODION

Cadarnhawyd cofnodion y cyfarfod a gynhaliwyd ar 31 Awst, 2021 fel cofnod cywir.

### 3 CAU ALLAN Y WASG A'R CYHOEDD

**PENDERFYNWYD** mabwysiadu'r canlynol:-

**“O dan Adran 100 (A)(4) Deddf Llywodraeth Leol 1972, cau allan y wasg a'r cyhoedd o'r cyfarfod yn ystod y drafodaeth ar yr eitem ganlynol ar y sail y gall olygu datgelu gwybodaeth eithriedig fel y'i diffinnir yn Atodlen 12A o'r Ddeddf honno ac yn y Prawf Budd y Cyhoedd amgaeedig.”**

**CYTUNODD** y Pwyllgor drafod eitemau 4, 5 a 6 gyda'i gilydd.

### 6 APWYNTIO STAFF

Cyflwynwyd – adroddiad gan y Cyfarwyddwr Swyddogaeth (Busnes y Cyngor) / Swyddog Monitro mewn perthynas â'r swydd uchod.

Adroddodd y Cyfarwyddwr Swyddogaeth (Busnes y Cyngor)/Swyddog Monitro bod y Swydd Pennaeth Gwasanaethau Democrataidd, yn unol ag argymhelliad y Pwyllgor Penodiadau a gynhaliwyd ar 31 Awst, wedi ei hysbysebu ar 3 Medi, 2021 tan 27 Medi, 2021. Adroddodd ymhellach, yn unol â'r drefn recriwtio safonol, y ffurfiwyd rhestr fer annibynnol yn seiliedig ar y wybodaeth a oedd wedi'i chynnwys yn y ceisiadau a dderbyniwyd. Yr argymhelliad oedd y dylid ail

hysbysebu'r swydd am gyfnod o ddwy wythnos. Cafodd ei argymell hefyd i'r Pwyllgor Penodiadau ymgymryd â phroses na fyddai fel arfer yn cael ei hymgymryd â hi ar gyfer Swydd graddfa 10 ar y sail ei bod yn swydd statudol. Mae'r broses a gafodd ei hargymell yr un fath â'r hyn sydd wedi'i mabwysiadu gan y Pwyllgor Penodiadau ar gyfer swyddi tebyg, sy'n cynnwys tri cham:-

- Cyfweiliad allanol yn seiliedig ar broses brofi seicometrig;
- Cyfweiliad proffesiynol i'w gynnal gan y Prif Weithredwr, Cyfarwyddwr Swyddogaeth (Busnes y Cyngor)/Swyddog Monitro neu rywun priodol arall a'r Pennaeth Proffesiwn Adnoddau Dynol, fel ffordd o gadarnhau cywirdeb cynnwys y ffurflenni cais;
- Cyfweiliad gyda'r Pwyllgor Penodiadau er mwyn gallu gwneud penderfyniad pa ymgeisydd, os unrhyw un, a ddewisir i'w penodi yn dilyn y ddau gam blaenorol a gyflwynir manylion amdanynt mewn adroddiad cyn y cynhelir y cyfweiliadau ffurfiol gyda'r Pwyllgor.

**PENDERFYNWYD:-**

- **Ail hysbysebu'r swydd am gyfnod o ddwy wythnos a bod y ceisiadau a dderbyniwyd yn cael eu cadw ar gyfer ystyriaeth.**
- **Bod y broses tri cham yn cael ei chefnogi yn unfrydol fel y nodwyd yn yr adroddiad a gyflwynwyd i'r Pwyllgor.**

**Y CYNGHORYDD IEUAN WILLIAMS  
CADEIRYDD**